

瓊州府志

瓊州府志卷之三十三

人物志一名賢上 宋 元 明

宋

姜唐佐字君弼作黃通志瓊山人己卯閏九月從

學於東坡至儋耳庚辰三月方還瓊阮通志東

坡甚重其才嘗跋其課冊云雲興天際歛若

車蓋凝眸未瞬瀰漫霏靄驚雷出火喬木靡

碎殷地藝空萬夫皆廢懸溜綆墜日中見沫

移晷而收野無完塊蓋極狀其文氣雄偉磊

落倏忽變化也黃通志後遊廣州學有名登鄉

薦蕭志灤城集云吾兄子瞻謫居儋耳瓊州進

瓊州府志

卷三十三

人物 名賢

一

士姜唐佐往從之遊氣和而言適有中州士

人之風子瞻愛之贈之詩曰滄海何曾斷地

脈白袍端合破天荒告之曰子異日登科當

為子成此篇崇寧二年正月隨計過汝陽以

此句相示時子瞻之喪再逾歲矣覽之流涕

念君要能自立而莫與終此詩者乃為足之

云生長茅間有異芳風流稜下古諸姜適從

瓊管魚龍窟秀出羊城翰墨場滄海何曾斷

地脈白袍端合破天荒錦衣今日千人看始

信東坡眼力長阮通志祀鄉賢

符確昌化人沈靜好學博通經史平居嘗以天

下事自任大觀二年發鎮州解三年登同進士蕭志官至承議郎知韶化二州瓊海自此遂多賢科黃志通祀鄉賢

陳孚瓊山人嘗從郡守建陽宋公貫之學得第由是鄉人慕之始習進士業後多甲科自孚始也阮志通祀鄉賢

王霄字霞舉儋州人嘗事蘇文忠年踰七十應貢至京居辟雍三年建炎間歸鄉潛德不仕參政李光以宿學稱之年至九十六衆推鄉先生諸後進多所觀法郡守以聞授初品官

祀鄉賢蕭志

瓊州府志

卷三十三

人物 名賢

一一

陳中孚字子正吉陽人舉文學紹興間知萬寧縣黎賊犯城捍禦有功擢知昌化軍政舉民安子適初以鄉薦爲臨高尉儋民王高作亂適造高壘諭以禍福高遂降擢知昌化軍有善政父子相繼時人榮之蕭志作繼美堂胡澹菴爲作記參政李光自瓊移儋與中孚友善休沐未嘗不杖屨往來阮志通父子均祀鄉賢

趙荆字道授昌化人生時父夢一道人以手簡書荆字授之因以爲名字焉先是大觀中同邑符確者登薦荆嘗勵志歎曰吾他日不如

符先輩非人也紹興甲戌中南省第鄉人莫不歆羨以爲有志者事竟成初天聖間丁謂過昌化嘗爲其家擇葬地云後必有登桂籍者至荆果然阮志通後淳熙中官至朝奉郎欽高二州判官老能戒得以廉幹著名黃志通

裴聞義字子遷吉陽人唐晉公度十五世孫也

父瑒知吉陽因家焉紹興間聞義以瑒廕補知昌化軍有善政歷任九年卒於官祀鄉賢子嘉瑞亦以廕補官阮志通晉公十四代孫瑒守雷州尋爲吉陽守遂居吉陽至聞義知昌化軍在郡凡九年而終子嘉瑞胡澹菴題其

瓊州府志

卷三十三

人物 名賢

三三

所居之堂曰盛德堂

輿地勝紀

陳應元字景仁瓊山人七歲能屬文年十八授徒鄉校舉瓊學掌閣登紹定二年己丑進士初尉徐聞秩滿僉書昌化軍漕使顏幾辟宜倫令尋改番禺李昉英徐清叟董槐李曾伯文章薦之辟倅雷州攝儋州所至有聲學行政事爲瓊士先祀鄉賢子明震以廕補將仕郎明俊以昌化築城功亦授官黃志通

元

蔡微字希元號止菴宋學士襄之裔居萬寧後遷瓊山通經史善文辭知縣李思迪稱其文

謂海南儒者未能或之先先任樂會學校官  
後攝瓊郡學事值時不偶遂隱居弗仕纂瓊  
海方輿志戴通志祀鄉賢

張賢瓊山人至正中陳子瑚寇陷郡城瑚死弟  
有慶接踵煽逆僞萬戶裴元貴黨輿潘蔭吳  
紹先等中據瓊城民被荼毒賢倡義兵以丙  
午三月擊斬元貴等暨餘黨不計其數追取  
各衙門印信郡城恢復本道副都元帥陳乾  
富等達其事齎馬匹表裏銀碗賞勞授安撫  
司僉事丁未復立屯田萬戶府以賢機謀宏  
遠韜畧深沈陞授萬戶領之洪武元年歸附

瓊州府志

卷三十三

人物 名賢

四

二年以賢良例起之行至廣州告老歸卒戴通志

志祀鄉賢

王麗珠萬州人世爲崙首元至正間陳子瑚陷  
州城麗珠率義兵討平之元帥陳安遠擬授

萬寧郝通志縣主簿已而士酋符奴達郝志

達陳傑甥郝志甥作等竊發復與子瑚弟有慶

聚攻城麗珠又舉義兵收捕之達魯花赤大  
都請於元帥分司陞縣尹統民兵保障明洪  
武初又以剿平草寇王廷金功復加賞勞子  
晉養爲黎首管黎戴通志

明

唐誼方本名遜以字行瓊山東廂人元郡教授  
闡之孫篤儒學有古行元末隱居避辟洪武  
初首舉經明行修授郡庠訓導有規範永樂  
三年乙酉冬詣闕請老太宗奇其狀貌容止  
曰此老回去還有十年壽門有古榕常休憩  
其下雨則躬循田畝他賸有敗者亦爲治之  
代貧乏嫁娶鄉里稱榕樹公眞長者姪舟少  
從筆硯後歷官內外臺奉書問安誼方答以  
詩有云勿憂吾有病且喜汝無錢舟卒以清  
節名永樂乙未誼方卒壽七十七果符十年  
之語賈志祀鄉賢

瓊州府志

卷三十三

人物 名賢

五

張善教瓊山人萬戶賢之子洪武丙子由貢中  
應天鄉試授岑溪教諭丁內艱永樂初改沙  
縣教諭學行粹潔立師道明職業未踰年士  
多感化倡義捐資以新文廟黃通志歸建瀆淪  
亭與趙謙王惠楊升游咏爲一時推重賈志其  
在沙縣時所嘗行止處人以瓊臺瓊谷目之

福建通志祀鄉賢

唐衡字平叔瓊山人通經博學善古文洪武初  
以經明行修起爲府學訓導後陞福建都司

斷事阮通志

王惠字仲迪瓊山人家本合肥從兄千戶志調

官海南遂占籍焉博洽能文學士解縉稱惠從趙考古講明性命義理之學潔白清修毅然自立洪武末用大臣薦至京以三喪未舉力辭歸隱自號霜筠天下高其節行所著有截山詠史嶺南聲詩鼓吹等集卒祀鄉賢牛志

唐舟字汝濟瓊山東廂人父英別見卓行傳舟學優才瞻中革除壬午鄉試永樂癸未復試皆中第二名甲申舉進士授新建知縣始至簡易御下若尋常然久名愈著上下大服有問其故曰古人所謂新任如處暗室輕動必有觸損久坐自明未幾應求賢詔陞江西僉

憲整肅紀度郡邑承望風采南昌守以舊隙恐懼闖門不能仰視舟加敬禮人服其量後以事降判衢郡能折節盡安輯撫綏之道尋以非辜從戎隆慶衛衢人思之仁廟登極大臣首薦爲監察御史入京卽抗辯內侍陷黃本固等數事風節愈勁出按浙江所至多政譽爲人胸次坦夷光明無纖芥畛域持己接人任眞自信敷歷中外餘三十年所至有冰蘖聲嘗題門帖曰雪霜半染中年鬢天地應知暮夜心及歸杜門不出家無擔石之儲晏如也年八十二無疾而終

戴志

通

祀鄉賢

子亮字景明幼聰敏隨父宦遊常山學中永樂  
丁酉浙江鄉試戊戌登進士除泗州判官晉詹  
事府主簿仁宗朝擢寧國府同知黃通志

馮宣萬州人

寧即萬

問學該博中永樂癸未鄉試授

官唐藩紀善風節自持尤善詩賦王雅重之及  
歸惟圖書數十卷祀鄉賢子謙正統辛酉鄉舉  
授岑溪教諭轉巴縣所在士風丕振嘗校修重

慶府志

阮通志

王克義瓊山海口人永樂乙酉鄉薦丙戌進士授  
崇仁知縣大臣以博學宏詞薦至則增減宋詞  
科試之果中式陞都官尋出爲建昌推官所至

瓊州府志

卷三十三

人物名賢

七

有廉能聲其試蓬萊春曉歌爲時傳誦戴通志

祀

鄉賢

吳錡字坦齋瓊山人永樂戊子舉人辛丑進士授  
義寧知縣重建縣治修公廨尤加意學校一時  
之士皆知向學阮通志明初瓊俗敦樸禮文苟簡  
吳坦齋始以詩禮倡導鄉邑凡冠昏喪祭多所  
取則比有兩京縉紳欲行冠事筮賓輔於國學  
兩出吳氏門人吳畊沙洪當時莫不景仰瓊爲  
海外鄒魯然後知坦齋天下士也王文佐集

林茂森字良材臨高人少孤事母至孝甘貧力學  
博極羣書以春秋領永樂辛卯鄉薦任武宣教

諭勤於課士及鄉試中式者五人臬監司上其事當擢用以母老辭歸養家居以孝弟勤儉迪訓家塾及鄉里子弟暮年手不釋卷嘗校註方輿儒林一覽行于世邱文莊稱其博洽阮志 祀鄉賢

徐祥萬州人先世居常山父官萬州稅課局生祥半月而卒鞠于母孤苦力學登永樂丁酉鄉薦戊戌進士知歙縣以母老辭歸州人登進士自

祥始祀鄉賢黃志 通

劉志明字晦伯定安人其先遷自廬陵性敏好學博覽妙悟尤精於中庸以諸生充貢永樂間當

瓊州府志

卷三十三

人物 名賢

八

道敦禮遣署學事多所成就或勸其復試科舉對曰學問人也出處命也人稱建溪先生祀鄉

賢黃志 通

薛遠字繼遠瓊山人世本無爲州人祖祥洪武間爲工部尚書獲罪父能坐戍海南衛遂籍焉蕭志

遠正統七年進士景泰時官戶部郎中天順元年擢本部右侍郎改工部奉詔塞開封決河還仍改戶部成化初督兩廣軍餉位至南京兵部尚書以忤汪直免官明史 薛 宏治壬子以建儲

恩進階榮祿大夫乙卯年八十二卒贈宮保蕭志 遠敏而好學於禮樂兵刑天官律歷無不涉其

要尤熟本朝典故在戶部最久均節委積內外  
遠近多寡輕重皆有法式會計出納胥吏斂手  
每歲中外競陳利害迭爲行罷有司不知所從  
遠以爲凡若此者一切報罷則官省民安時論  
躉之嘗曰馭吏嚴刑以懲不若先事而發善革  
弊不如無弊可革其慮事中理多類此有司爲  
建祖孫尚書坊戴志通祀鄉賢

邢宥字克寬號湄邱文昌人先世仕宋充綱使始  
遷瓊宥少遊邑庠爲學師曾蘭所重正統辛酉  
鄉薦戊辰進士任四川道監察御史牛志景泰改  
元籍太監王振家有告振家人孫太安匿其財

者鞫之無實或必欲沒入之且曰不然禍立至  
宥曰無其情而文致於法是我殺之也竟辯白  
被誣者二十人明年督運通州糧實宣府措置  
有方邊儲悉足出巡福建時沙寇甫平或言延  
平衛軍多其親黨欲以東衛互易之鎮守尚書  
薛希璉力主其議宥曰山海異習輕動或生他  
患卒得不動巡海官獲犯禁入海者十數人請  
梟首示衆冤號之聲震地宥請緩之未幾果得  
眞盜亂後增築永安等四城民力有不堪者宥  
奏留八郡之匠赴役工部者協助之城得以亟  
成

義欲冒之都御史寇深爲曹囑託宥弗從復按河南奏革循河出潁達南京數十驛風裁震於一時郝通志天順庚辰出知台州一尚寬以矯前弊民甚信服居台四年兩以巡按時事就逮民數千人赴京告留黃通志竟坐是降尹晉江未三月會赦牛志憲宗復其職改知蘇州姦民攬納秋賦置之法得其贓萬緡以隄沙河甃官道明史劉孜

傳蘇之田賦甲天下丁役雜辦倍于他郡宥治

之一本情理惟省徭均賦節浮費以便民爲主

凡百有爲務從素簡成化丙戌江南大水而蘇

尤甚牛志發官儲勸富民得米八十餘萬

瓊州府志

卷三十三

人物名賢

十

石賑之然猶不繼饑民持券入富室強奪因帖示官爲署券付鄉老俾同保借又不繼乃會計軍餉一年之外餘二十萬石發以賑之同官有以事未上聞難者宥曰民命在須臾奏允而後給則無及矣專擅之罪吾自當之是歲稔活饑民殆四十萬口墓誌銘宋傑薦於朝詔加浙江左參政仍治府事賜璽書居半載遂以右僉都御史代傑巡撫江南十府明史陞左僉都御史總理兵民財賦并理嘉湖杭三府糧儲提督屯種宥受命汲汲於培植拯救採察咨詢於官吏則獎廉能黜貪懦於民則杜奸究抑豪右浚孟瀆丹

徒二河增築奔牛一牓以便運道又奏減歲課之重者十餘事戊子奉勅飭理兩浙鹽法己丑又勅考察文武官員凡軍民利病悉聽從宜處置墓誌前後五奉勅書庚寅議事上京再上章始得致仕宥稟性廉介於人不少假借外樸內明好讀書詩文不苟作作必有意趣字亦遒美有法處家庭孝友田產多讓諸弟歸休囊橐蕭然如書生時所著有湄邱集黃通志祀鄉賢

邱濬字仲深其先世家泉州晉江元季有官於瓊者遭亂不能歸遂占籍瓊山何喬新誌祖普性仁

愛專事濟人利物爲臨高醫學訓科宣德甲寅

瓊州府志

卷三十三

人物 名賢

十一

郡大饑白骨遍野普有第一水橋地捨爲義塚躬求全飶瘞之封塋纍纍凡百餘所遇清明節必洒以杯酒糲飯其所行自少至老多類此年享遐壽人謂天報矣父傳蚤卒母李氏守志訓之濬生有異質讀書過目成誦日記數千言六歲信口爲詩歌語皆警拔如詠五指山詩識者知其必爲國器稍長博觀羣籍雖釋老伎術亦所不廢黃通志家貧無書嘗走數百里借必得乃已明史本傳年十七始習舉子業落筆爲文數千言立就復出倫輩牛志正統甲子首舉於鄉主司全錄其五策兩試禮部名在乙榜卒業太學祭酒

蕭鎡深器重之爲之延譽由是名益重景泰辛未告歸所與厚者咸贈以詩編修岳正知其後必大成作序以送之甲戌復試於禮部學士商輅主試事閱論策意其爲濬及揭名果然廷試二甲第一選入翰林爲庶吉士者十八人濬爲首被命修寰宇通志時洗馬李紹偕諸學士會史館謂濬曰子生海外何從得書籍師友而博洽如此濬自以遠方新進一旦名動京師方歛然不自足益求人間所未見書讀之遂以博極羣書稱於時尤熟本朝典故樂爲學者道之通志成授翰林院編修濬旣多識有獲發之文章

雄渾壯麗四方求者沓至碑銘序記詞賦之作流布遠邇然非其人雖以厚幣請之不與黃通志

海南衛官軍苦遠調天順七年濬奏免專防海黎賊寇上嘉納之至今瓊南軍衛尸祝焉賈志兩

廣用兵經年不決濬條列事宜奏記大學士李賢纚纚數千言賢善其策卽代上之英宗嘉嘆付所司舉行八年憲宗登極充經筵講官成化元年陞侍講命與修英廟實錄三年實錄成進侍講學士經筵當進講吐音洪暢憲宗竦聽甚悅五年丁母憂服闋復職十三年續修宋元綱目成陞翰林院學士濬自出己見撰史畧謂朱

子綱目以正統爲宗然秦隋之末有不可遽奪  
漢唐之初有不可遽予者乃作世史正綱以著  
世變之升降明正統之偏全有裨世教是年祭  
酒員缺僉謂非濬不可乃陞祭酒黃通志時經生  
文士爲文以奇怪相高或不可句濬考南京鄉  
試及禮部會試怪詞險語必痛斥之怨誹不恤  
也及爲祭酒尤諄諄爲學者言文體乃復渾厚  
士有慕道學者或過爲詭異之行以邀名因考  
會試發策言之何喬新撰墓誌策畧曰古者道德一風  
俗同秦漢而下武帝表章六經世之所謂儒者  
咸知尊孔氏黜百家及其見於立論行事之間

則有不同焉者其大畧有三工文辭者則有司  
馬遷之徒論政事者則有劉向之輩談理道者  
則有董生之流其後精於文者有韓愈氏有歐  
陽修氏達於治者有陸贄氏范仲淹氏深於道  
者有二程子朱子焉之數子者其於前諸子果  
若是班乎其於孔子之道亦有所合乎我朝崇  
儒重道教人取士一惟經術是用道德可謂一  
矣然至於今風俗猶有未盡同者何也曩時文  
章之士固多渾厚和平之作近或厭其淺易而  
肆爲艱深怪奇之辭韓歐之文果若是乎議政  
之臣固多救時濟世之策近或厭其循常而過

爲閎濶矯激之論陸范之見果若是乎至若講學明道學者分內事也近或大言濶視以求獨異於一世之人程朱之學果若是乎伊欲操觚染翰者主於明理而不在於騁辭封章投匭者志於匡時而不在於立名講學明道者有此實功而不立此門戶不厭常而喜新各矯偏而歸正必使風俗同而道德一以復古昔之盛焉

文邱

莊集

士乃知道以中庸爲至詭異不足貴也其在

太學論者謂師道尊嚴無愧李文忠公綜理細微則文忠公不及嘗謂朱氏家禮最得崇本敦實之意然儀節畧焉爲考諸儒所言作家禮儀

瓊州府志

卷三十三

人物名賢

十四

節使好禮者可舉而行朱子微言散見於傳註語錄學者卒未易求乃采其精切者彙爲二十篇作朱子學的

何喬新撰墓誌

十六年加禮部侍郎仍

掌國子監事復以西山真氏大學衍義有資治道而於治國平天下之事缺焉乃采經傳子史有及於治國平天下者附以己見凡一百六十

卷

賈志

彙輯十年以補真氏之闕其爲目凡十有

二曰正朝廷其目六曰正百官其目十有一曰固邦本其目十有一曰制國用其目十有一曰明禮樂其目六曰秩祭祀其目七曰敦教化其目十有一曰備規制其目十有六曰慎刑憲其

目十有四曰嚴武備其目十有六曰馭邊方其目九曰成功化其目一瓊臺會藁而其大要則尤在於審察其幾微之先以成天下之務故又首補誠意正心之要曰審幾微自爲一卷其目有四曰謹理欲之初分察事幾之萌動防姦萌之漸長炳治亂之幾先著論發明慎獨內省真切有先儒所未及者蓋其獨得之見也名之曰大學衍義補值孝宗嗣位乃表上之上覽之甚喜批答有曰卿所纂書考據精詳論述該博有裨政治朕甚嘉之黃通志資金幣命所司刊行特進禮部尚書掌詹事府事明史濬累疏力辭且求致仕

不允會修憲廟實錄充副總裁官宏治四年實錄成加太子太保復三疏求致仕不允黃通志尋

命兼文淵閣大學士參預機務尚書入內閣者自濬始時年七十一矣明史入內閣復三疏固辭

不允乃奏請擇衍義補中要務行之上見納乃就位務以寬大啟上心忠厚變士習凡人才進退政事廢舉一惟祖宗舊典是循黃通志明年四

月濬上言仰惟太祖高皇帝洪武元年歲在戊申我皇上紀元之始歲又在戊申謂上天無意可乎謂聖祖在天之靈無意可乎謹按宋儒邵雍皇極經世書謂國祚大數以九千六百年爲

一元三代以後惟漢唐宋國祚爲最長然皆不能滿其國祚之元數自百五十六十年以後往往中微政務日趨於弊風俗日趨於薄紀綱日趨於弛由是馴至於不可振起而底於亡此無他中世繼體之君皆生於世道豐亨之際宮闈安樂之中不歷險阻不經憂患天示變而不知畏民失所而不知恤人有言而不知信好尚失其正用度無其節信任非其人故也向使其君若臣因上天之垂戒汲汲然反躬修省以祈天永命其國祚豈止於此哉我聖祖功德之大上格天心爲上帝之所孚佑而眷顧之無已仁愛之

不忘故於世道升降之會嗜欲開先之際生不世出之主而處於困心衡慮之中出非常之變而當其居潛養晦之日是成化年間災異之生皆自古史冊所罕有者彗星凡三出紫微太微天市三垣與夫三台北斗無不掃遍兩京畿暨十三藩司所奏地震毋慮五六百次舉皆有聲餘殃至宏治之初猶未已也邇者彗星又出於天津地震天鳴無異曩時異鳥三鳴於禁中考之經史天變莫大於彗孛而侵三垣台斗爲重地變莫大於震動而在京師邊防爲急禽鳥動物得氣之先其變尤亟春秋二百四十二年之

問書彗孛僅三書地震僅五書飛禽僅二今乃  
屢見於二十五六年之間變不虛生其咎徵之  
應深可畏也然我祖宗積德累仁先帝敬天愛  
民皇上清心寡慾無有致災之理而天之示變  
乃如此夫豈無其故哉天不言因其必然之數  
而示以顯然之象使人見其象推其數盡其當  
然之人事而求所以勝天則能變災爲祥矣夫  
人所以能勝天其道何由修德而已矣蓋天之  
與人雖有懸隔之勢而實有感通之理上天監  
觀於下念我聖祖有功於天地有功於生民有  
功於自古帝王知其氣運至此必有適然之數

故豫生聖人以待之屢出災異以儆之其生聖  
人也必使之早歷殷憂其出災異也必示之以  
非所常有由是而觀可以卜知天之意有在而  
祖宗在天之靈有所屬也恭惟皇上稟非常之  
資膺重明之運於太祖開基百二十年之後稽  
之邵數以三十年爲一世至百二十年則四世  
矣四世則當四時之數而爲一朞也歲事周矣  
月窮於紀星回於天至是則三陽開泰萬象維  
新之時焉當此之時事必更始使舊者新廢者  
起闕者通缺者完然後可以延而長之以固久  
遠不拔之基其幹旋之機正在今日皇上當此

大任遇此大機當可爲之時有可爲之勢烏可泛然苟然坐失其機會而不思所以預爲之計哉臣願皇上體上天仁愛之深念祖宗基業之大端一身以立天下之大本清一心以應天下之務上畏天怒下畏民怨中畏人言謹好尚而不流於異端邪見謹用度而不至於耗國害民謹任用而不失於偏聽獨任防慾而剛爲之制思患而豫爲之防凡聖心有所思爲有所謀猷將有爲也將有行也與臣下有所論奏建置也左右有所陳說求請也則反求諸心熟思而審處之曰此事果合於天理否乎果順於人心否

乎果適於時宜否乎其於聖賢經史有無該載其於祖宗彝訓有無違悖其於當世軍民有無利益物論以爲是否人情以爲便否清議以爲善否一事之行而衆思是集訪於衆而斷於獨然後審緩急之宜量輕重之劑循先後之序以見於施行焉夫如是是惟不行行則合天理之公卽人心之安適時措之宜而天下後世享其福矣雖然人君一心而攻之者衆一日萬幾而應之不暇人人各有所見而欲效其所見人人各有所能而欲售其所能人人各有所求而欲遂其所求揣摩窺伺覘吾意氣之所嚮引誘激

發逢吾心志之所欲投間抵隙覬吾機便之可  
乘上纔畧露其機微衆卽據以爲幸會而入其  
說獻其計引其人植黨與排異己求差遣乞恩  
澤希爵賞覓田宅無非欲攘貨賄以肥家結親  
倖以固寵冒爵祿以貽後是皆爲其身謀爲其  
家謀爲其親戚及所交私之人謀豈有毫髮謀  
國之心哉皇上誠能養心性以保天和閱經史  
以廣聖學禁私謁以肅內政明義理以絕神姦  
慎儉德以懷永圖勤政務以宏至治信任防一  
己之偏聽納取衆人之善示淳樸以爲天下之  
先明意嚮以定萬民之志使夫投機伺便之人

承風希旨之輩曉然皆知上之所好尚者在乎  
仁義而不在功利也在乎儒教而不在佛老也  
所用度者在乎儉樸而不在奢靡也在乎省節  
而不在浪費也所任用者在乎賢良而不在嬖  
倖也在乎正直而不在諛佞也則朝廷之上小  
人不敢肆其姦君子不爲人所蔽左道惑衆者  
不能亂聖人之教巧言詭計者不能遷明主之  
意則紀綱振作治教休明風俗淳和上有餘而  
下無不足國勢隆重而運祚靈長矣然而小人  
執一偏之見各徇其一家之說各騁其一己之  
私互相標榜交相證助迭相游說屢變以求勝

多方以遮飾必欲踐其所言成其所謀遂其所  
大欲而後已苟非上之人據正理以折之稽古  
道以正之按國典以諭之安能服其心而遏其  
勢哉臣不佞謹擬爲數條以進自今以後臣下  
有言佛道二教可以延福祚者請折之曰古之  
帝王好佛者無如梁武帝餓死臺城子孫自相  
魚肉以至於亡崇道者無如宋徽宗爲金人所  
執崩於五國城親王公主隨行而死於虜者四  
十餘人其效何如也有言修煉金丹可致長生  
者請正之日後漢魏伯陽作參同契宋張平叔  
作悟真篇教人煉金丹以求長生必其人真得

其傳果長生不死至今猶在天地間也二人者  
今安在哉求其人不復見則是其人亦死其術  
不驗也有言剏造寺院以植福田者請諭之曰  
本朝於兩京造天界大報恩大興隆寺朝天大  
德靈濟等宫外此又有前代舊基累朝別建之  
所所以奉佛老之教無以加矣若又大興土木  
勞人之筋力則人怨費國之資財則國貧使彼  
所謂佛天尊尚存見人之窮苦怨咨以營其居  
必不能一朝居也有言印造經懺以求利益者  
請諭之曰佛藏十二部五千四十八卷道藏七  
部四千四百三十一卷皆有板本印行外此又

有經廠所刻書肆所售之本何用別刻新本爲哉刊一部梵夾之板費中人十家之產工匠之役楮墨之用不免勞人耗財致其嗟怨使彼所謂佛天尊有靈聞人印造其書如此勞費其心亦必不樂也有言修齋設醮必須豐盛者請折之曰古人祭天享地器用陶匏酌用明水就二教言之彼亦有酌水獻花之說況其爲教以清淨慈悲爲事若見世人奪小民衣食之資以供養之而致其饑寒困苦哀怨無聊如此其肯歆饗之哉有言誦經持咒可以禳度者請正之曰佛氏四十二章經老子道德經無誦數之說後

世求食之徒乃假佛天尊言以作經爲言人誦此經可以消災得福倩人聚誦計其遍數與人傭錢縱誦千萬億遍何益於佛天尊而以爲我功而錫福祐耶有言崇重西僧以求秘術者請諭之曰唐宋以西番每爲邊患元人崇重番僧遇有邊患遣僧諭之本朝因元之舊封其首長爲王蓋爲地方計非用其秘密之術祛攝之法慶贊施食之科也況今番僧多非本種往往作奸犯法大爲國家之蠹今按舊例供給之足矣有言事神以求福佑者請正之曰周禮祭祀以馭其神人君爲神人之主豈有反求私福於所

馭之理哉禮之所謂祈報祭禱者爲民而已非爲己也孔子謂祭非其鬼爲諂况扶鸞箕咒符水效巫覡之爲哉有言宴饗物品必須豐侈者請正之曰古人宴饗以示慈惠以訓恭儉蓋主於娛親禮賓不爲飲食觀美也後世窮奢極欲一日之食而費小民十年之用一宴之設而害物產百千之命暴殄天物於無益非所以惜福靡耗民財於不貲必不免斂怨豈可因口腹之欲而損國家之經費縱奢侈之欲以虧人主之儉德乎有言匪頒賙賜必欲如舊例者請諭之曰古人賜予以報功庸以施恩惠蓋主於激勸

人心非以厚私周急也祖宗盛時帑藏充積而人員尚少今則所儲之物比舊爲少當給之人比舊加多就一人所得計之所得固少總計國家之所費蓋已數倍於前非獨在上者當爲民惜財而臣下亦當爲國惜費也有言寶石可爲服飾觀玩者請折之曰成化末年收寶石人間所有盡入內府矣自古中國所寶者金銀珠玉是有用之物金元之世此物初八中國色不如玉之溫潤質不如金之從革是皆細砂碎石稍光澤者爾朝廷用之則價增百倍不用則荒歉之年鄉落之間以斤兩易斗升之米不可得也

有欲於街市和買以應用而取直於官府者請諭之曰唐人官市爲史臣所譏堂堂朝廷白奪民物於廛市富有四海而賒貸於小民豈可聞之四遠哉且市井小民營刀錐之利以資口腹一人一日不得利則一家一日不得食今官府雖非白奪然令其領價於內帑移文伺候動經旬月所得不償所失小民何以爲生哉有欲求閒田以爲己業者請諭之曰君之所以爲國者民也民之所以爲生者田也民耕田出租賦以供君君散民賦以爲官之俸祿旣食君之祿則不當侵民之利今近畿之地生齒日繁役重民

貧無地不耕何田無主縱使有閒田亦當周急不當繼富也惟知爲家植利而不思爲國保民可乎有言欲差官於外織造措辦者請諭之曰古人有言財不可豐去其害財者事事皆爲減省財用自然豐足且織造錦綺紗羅措辦器皿物事其工本皆出於民官府見有行使帑藏尚有收貯眼前未至乏絕如果將盡絕亦須待豐稔之年然後舉行可也有獻珍玉之器以希賞者請折之曰器取適用而已苟製一器而費百器之材用一工而費百工之力耗財貨於無用費工力於無益何爲也哉夫人之所以蓄奇巧

華美之物者欲以誇耀於人也尊居九重富有四海其尊無對其富無倫况宮闈邃密門禁深嚴外人無由而至將誰誇哉有言宮室損壞必須改作者請諭之曰前人遺構皆極其樸素渾堅後人輕易改作往往不及於前若謂其窄小不足以居必爲修廣則前人何以居至今日乎非不得已不宜動作動作不免取民財役軍力今公私匱乏士卒疲勞已甚一旦有事將何所取用而責誰以敵愾禦侮哉有欲折糧以備顏料者請諭之曰戶部錢糧歲有常數一歲之入僅足以供一歲之用稍有贏餘則留以爲荒凶

之備軍旅之需而工部顏料不過以爲宮室器服之用人不食則身死國無糧則人散豈可輕耗戶部之經費以爲工部之營造不幸而有不測之變非常之災何所取以應用哉有言工作之人勞苦欲希陞賞者請諭之曰國家之於百工技藝有官者各有俸祿無官者亦有糧給所以作勞成效皆其職分當爲者也因事而不時賞賚秩滿而循資陞用可也乃欲一次畢工一次陞賞國家安得許多官職錢糧哉有言所司乏人使用而欲於額外增置者請折之曰有此衙門則有此事務有此事務則有此使令之人

必有簿籍鄉貫可考宜行各衙門勾解以足其數中有戶絕者方可按名僉補今公私俱困凡事宜從減省姑宜照舊取辦可也有進工巧之人欲授之以職者請正之曰禮言毋作淫巧以蕩上心蓋以人君一心萬化之本天下安危生民休戚皆由乎此使其心常囿於禮法之中必不輕費民財必不輕勞民力財不輕費則斂於民也薄力不輕勞則役於民也輕而天下安矣苟其心蕩然出於禮法之外凡所以奉已而適用者皆欲華麗精緻不免費財而勞民以爲天下之害如此等人豈可引而用之而加以官職

使居左右哉有技藝雜流欲得文武要職者請正之曰名器所以重者以人不易得也人人可得則人輕之矣自古帝王以爵祿鼓舞一世之賢能不徒惜名器而又別品流既惜之又別之則得之者以爲榮不得者不敢萌倖心人人不敢萌倖心則得者愈榮而名器益重矣况彼技藝之流各有本等之官隨所業而授之可也有無出身人欲於文武官常員外添註者請正之曰官職有常員歲計有常數今無故欲於常員之外多增官員增一員之官則增一員之俸盍思漕運之米至京師者率三四石而致一石農

民耕作之勞士卒漕輓之苦官吏征輸之慘用以供養官吏俾其治事以安民然常年之儲出入止於此數入者不增出者乃加至數倍焉歲計何由而充國力安得不屈況名器因之而輕流品因之而混紊功庸之次序廢銓選之資格倖門既開捷徑旁出有財者可以財求有勢者可以勢得待缺者老死於選調立功者拘礙於文法公道不明廉恥盡喪而欲求治難矣凡此二十二事臣特以皇上耳目所及者細微淺近之事而言耳由是推類以盡其餘則凡天下弊端有小於此者亦得以漸而除國家至計有大

於此者皆可以次而行矣聖學高明義理融貫此等之事諒其必無臣猶喋喋以爲言者杞人之憂天野人之獻芹蓋一念憂國愛君之心出於忠誠懇切而不自知其不可也誠以天下之事何嘗不起於細微何嘗不起於淺近惟其以之爲細微淺近也姑且聽之姑且行之積習久而見聞熟遂認之以爲固有循之以爲當然而不以爲非遂至損朝廷之大體壞祖宗之家法空國家之帑藏失天下之人心宗社因之而危國脈因之而促未必不起於斯也皇上儻不以臣愚迂昏昧而棄其言聽政之暇宮中無事將

臣所過料者時賜省覽一得之愚或有契合於宸衷或有啟發於聖志留神省記紬繹於心思之間萬一臣下有所建白求請偶與所料者合卽乞皇上運思以發揮之加意以刪潤之推類以擴充之發以確斷形於詔旨以正之折之諭之使騰利口以售其奸者氣餒而失其便騁私而求所欲者心服而知其非耳目所及者旣已如此則內而宮闈朝著外而郡國邊鄙莫不革心向善聞風知警則接於見聞者無邪僻之思形於施設者皆正大之事矣化源旣清國是自定國家之大本以立而不爲小人所動搖天下

之至計可施而不爲異議所排阻於以彌非常之天變於未然於以延過歷之國祚於有永使唐虞三代之治復見於今日而漢唐宋不足言矣所以然者何莫非皇上修德以勝天之明效大驗歟臣荒陬孤生誤蒙朝廷任用性迂而執心不當憂而憂事無可慮而慮雖於中道不能無過然平生所存所學惟在於此不以旣老將死而改少壯之素志故不覺云云之多如此也伏望皇上憐其戇直之愚赦其干冒之罪臣不勝拳拳懇悃願望之至謹具題以聞奉聖旨這本所言止印經節賞賜停織造杜塞希求陞官

等項皆切中時弊該衙門看了來說欽此瓊臺  
又請訪求遺書上皆嘉納洪武永樂以來凡百  
司朝覲命吏部都察院考其尤不職者乃黜之  
不過數十人其後吏部患人言務以多黜爲公  
方岳以下少有微瑕輒黜之黜者亦不敢訴濬  
深知其弊言於上曰唐虞三載考績三考黜陟  
今有居官未半載而黜者所黜徒信人言未必  
皆實此非唐虞之法亦非祖宗舊制也上深然  
之會吏部上大小庶官當黜者幾二千人乃勅  
凡歷官未及三載者俱復其任雖一考非有貪  
暴實跡者亦勿黜蓋用其言也醫官有療疾往

來濬家者以失職怨家宰王恕奏訐其短科道  
因奏疑出濬意上察其誣待濬益厚七年加少  
保兼太子太保改戶部尚書武英殿大學士以  
目疾辭不允濬性剛直與大臣論政議所未安  
必反復辯論言官論事亦必以是非詰之不肯  
媵媚取悅無歲不求歸前後凡十三疏上皆不  
允問勞賜賚之賜踵接於門自筮仕至位極人  
臣凡四十餘年而自處無異韋布產業僅能卒  
歲第宅不逾齊民在都城市屋於蘇州巷南規  
模卑陋聊蔽風雨始終未嘗少拓人到於今呼  
爲邱閣老巷所得俸餘卽充官費絕無贏餘八

年卒於官訃聞天子嗟悼輟視朝一日賻寶鈔一萬貫贈特進柱國太傅諡文莊命行人宋愷護喪南歸行裝自欽賜白金綺幣外惟圖書數萬卷而已正德初武宗素知其名命孫滄廕尚寶司丞卒復以曾孫郊繼其官賜額祀於鄉曰景賢以濬配宋學士蘇軾以風示天下凡近世文臣生死承恩眷之隆實前此所未有者黃通志濬弱冠著書謂許衡仕元無能改於其俗必不能行己之道雖不仕可也聞者駭愕牛志至修英宗實錄有言于謙之死當以不軌書者濬曰己己之變微于公社稷危矣事久論定誣不可不

瓊州府志

卷三十三

人物名賢

二十九

白其持正又如此

明史本傳

嶺南人物自張文獻公

有聲於唐余襄公崔清獻公有聲於宋迨公四人焉公晚登政府疾病半之故見於功業者僅若此然大學衍義補一書其經濟之才可見矣朱子學的一書其爲理學亦可知矣經濟理學兼而有之使得久於位盡行其言相業豈三君子可及哉何喬新撰墓誌尹直贊曲江其師東坡其匹世以爲知言云賈志祀鄉賢

邱敦字一成瓊山人濬長子性簡默塾師疑其癡濬遭喪留敦在家敦乃盡讀所儲書非有事足跡不涉公府對人如木偶不出一語會高雷間

有故河遺跡有司開通以便往瓊舟楫敦家書  
併及謂疏治失宜恐先貽害元人治河因之召  
亂往事可鑒濬得書始知其不凡也屢書趣還  
京邸以廕錄爲太學生挾春秋藝試京闈下第  
遂屏棄舉業研究經史百家絕無進取之意其  
學以積思自悟爲主終日凝然無言繼以通夕  
不寐有所得發而爲文多不起草落筆如飛酷  
嗜素問著醫史其運氣表三因說言皆有補於  
世時見李廣輩將復成化故事作發冢論以攻  
宦者蓋取莊子詩禮發冢之義設爲甲乙辨詰  
之辭黃通志其略云乙曰宦官可去乎甲曰宦官

禎祥也何可去耶乙曰汙穢君德濁亂朝綱殘  
賊忠良渙散民心喪失天下此爲禎祥孰爲妖  
孽甲曰自古創業垂統之君爲子孫防範維持  
之慮至周至悉矣繼承之者苟非大無道則國  
勢未易搖也雖歷數有歸而人定勝天無資以  
作於是熒惑降精下爲宦豎依阻城社人亦不  
能勝而天下亂矣然後瞻烏爰止景命維新是  
故漢之興也趙高蠹秦魏之造也常侍蝨漢梁  
之篡也北司蛆唐是秦之趙高漢之常侍唐之  
北司乃漢魏梁之禎祥也乙曰齋宮之刺投河  
之辱千百輩盡誅之慘人生亦不幸而爲禎祥

哉田曰夫宦官拔跡糞穢之中致身霄漢之上  
可以將可以相可以聖可以賢可以仙可以佛  
蓋無往而不可禍患其變也禎祥其常也君子  
語常不語變乙曰請得聞之甲曰內握禁兵外  
監方鎮成功賞則先敗績罰弗及非可以將歟  
圖謀帷幄寄之國命濁亂天下不受其責非可  
以相歟佞子貢諛擬倫伊霍陞座講易係籍義  
周非可以聖可以賢歟附之者白日飛昇忤之  
者生入地獄非可以仙可以佛歟時又或能廢  
置人主呵叱天子則遂可以爲上帝矣雖哀亮  
鞠頑終底滅亡然又足以快天下心攄天人憤

爲興王之資垂後世之戒亦不徒禍矣庸何傷  
謂其友蔣冕曰走爲此論乃癡人說夢事也安  
知聞人說夢者亦不癡其人哉夫天下之事心  
有所蔽則以惡爲美以非爲是以害爲利者多  
矣自非爲之說者逆探其所料指摘其所信推  
極其所期竭兩端而盡之又曷足以感悟其心  
也耶已而思母嬰疾宏治三年卒於京邸年三  
十一敦雅好儉素雖生長富貴自奉養率如寒  
士少時不肯衣新衣或問其故曰吾特惡其華  
爾海外俗尚侈巨室子弟多乘馬張蓋敦獨徒  
行不由中路遇者望而知爲敦也見利顧義辭

受無大小必謹有瓊守遣訟者餽五百金使爲解紛敦斥去之方伯陳選因其北行贖白金二錠遣人致辭曰選生平不餽遺人徒以老門生之故郎君其勿卻敦竟不受每欲修曾祖掩骼故事施德於不報北來時夜宿會通河夢至岸傍有古墓嚙於水明日過之儼然夢中所見也亟戒從者掩以土而後行其嚴毅中有惻隱如此卒時蔣冕哭之慟爲序其書以行於世

黃通志

祀鄉賢

邱京濬季子字峻成以廕授中書舍人性習仁愛重義樂施瓊州經二大征後白骨徧野盡收而

瓊州府志

卷三十三

人物名賢

三十一

瘞之時疫大行施良劑以救活者甚衆有曾祖之風焉平居罕至城邑有司重之敦孫郊字汝賢亦以廕授尚寶司承事祖母及母以孝聞與其弟祁友愛尤篤祖業有膏沃者讓諸祁祁不肯受則曰我有官矣宗黨皆多其義

黃通志

王佐字汝學號桐鄉臨高人少受業於邱濬甫弱冠正統丁卯以禮經魁鄉薦游太學爲祭酒吳節司業閻禹錫所稱許監試每擢爲首延譽於內閣李賢冀其大用後試南省五策條答無遺本房欲置魁選爲忌者所黜

阮通志

成化初授高州府同知時都御史韓雍用兵兩廣佐獻策平

戎用之動中肯綮雍奇其才甲午改邵武府同知以文章飾政事持身廉而不激事上恭而不阿戴通志屬泰寧盜發時僉事章懋分巡至郡檄佐行縣訪問賊中動靜佐至縣周詢衆論皆以爲賊勢方張若遽攻之則其黨必固結以拒戰而其勢遂成不若乘其衆心未固誘其來降者以殺其勢則可不攻而自潰矣佐遂遣人招諭降其脅從者數十人賊果散去懋同寮有欲邀功希賞者言於部使者謂懋儒者不知兵願自行勦之部使者信其言遂調將樂所官軍俾率以行至則賊已平乃械繫佐所招降者凱還獻

功悉戮之懋恥與爭而佐亦不自言功惟輿人頌其靖亂安民之績然終亦無由白於上也徵獻

錄

滿九載去改同知臨江府致仕臨江輿人又頌其公平正大以賢能著稱云佐所至廉操遺愛始終如一曰惟質直任職不能隨時俯仰故低徊三郡二十餘年一官不徙衆皆惜之平生雅淡惟耽書史自少至老手不釋卷雖眊曠猶使家人讀而聽之提學新喻胡榮稱其博學多識精思力踐見道精審故其詩辭和平溫厚文氣光明正大當比唐宋諸大家識者以爲確論所著有雞肋集經籍目畧原教編庚申錄瓊臺

外紀其經進御則有珠崖表錄世稱其文行年八十五卒黃通志祀鄉賢

王京字中都臨高人爲人嚴毅有守居父喪廬墓三年正統間以歲貢生宰壽寧益勵清節爲上官所重在任五載多政績以疾致仕歸惟圖書數卷祀鄉賢蕭志

林傑瓊山人景泰庚午舉鄉試亞元甲戌成進士授南臺御史陞浙江副使牛志表賢亭以表薛遠

邢宥邱濬林傑四賢提學胡榮有記其略曰四賢俱發軔巍科接踵要路猷爲足以匡弼時政風裁足以激揚濁清文章足以補助道化實瓊

瓊州府志

卷三十三

人物名賢

三十四

人之師海內之望也

阮通志

年八十一卒

牛志

曾瑁字德玉萬州人幼孤篤學年十三爲郡庠生家有債券悉焚之景泰丙子舉於鄉倉大使羅紀坐累妻適亡託以二女瑁穴門予食比事白酬之一無所受成化甲辰知永嘉縣多惠政有母訴子不孝尋自悔持百金爲子贖罪瑁嘆曰父母愛子人心所同遂卻金薄懲而釋之郝通志有犯笞者舉扇自蔽懼憂歸民立碑追思起改知懷遠縣以子鎰登第未老致仕黃通志有鄉人囑託公事題壁曰平生不識事老來又怕事有人請說事眞是不曉事阮通志卒年踰七十祀鄉

賢

蕭志

子鎰字時重成化癸卯鄉薦宏治癸丑進

士授南京戶部主事委督中都糧儲有守支官

放糧無附餘當罪鎰爲區處獲免及期當代府

衛官軍赴部保留二年已而委督浙場鹽課前

官槩收舟稅鎰至量爲裁革商人德之歷陞員

外郎中甲子乞歸省行李蕭然抵家逾年卒

黃通

志 祀鄉賢

林宗哲字執中瓊山人天順壬午舉於鄉知巢縣

授蕭湖河泊官郤暮金五百兩巢河泛溢病涉

捐俸造浮梁旱蝗禱城隍蝗不入境虎啞人文

告山靈虎斃淮安士民訴父冤輒曰願得巢令

瓊州府志

卷三十三

人物 名賢

三十五

訊無憾也

郝通志

祀鄉賢子汝常亦舉鄉試知仙

遊縣

賈志

唐絹瓊山人瑶之姪寓居澄邁天順壬午鄉薦成

化己丑進士爲江陰令廉而恕時特越法有所

縱舍御史怒其專擅劾爲故出罪當謫戍絹無

以自明奮怒引刀自刎而不殊時武進令熊翀

絹同年進士也聞之亟令善治金創者往治之

得不死翀復令人代絹詣闕訟冤章下南京都

察院辯之事白絹得復官

阮通志

王仕衡字秉銓定安人少孤貧力學有大志成化

丁酉鄉薦遊太學邱文莊器重之宏治間選中

書舍人爲衡王審理副再陞右長史青縣多火  
屍爲立義塚收葬正德間丁內艱起任岷府修  
武宗實錄人有不義者以百金求易其名不受  
奏革定安驛站并減文昌災傷田糧致仕家居  
年八十卒祀鄉賢牛志

吳景暉澄邁人領成化庚子鄉薦任廣西推官宏  
治己未賀縣民爭田激變巡撫委勘人多懼之  
暉嘆曰受命撫民雖死不避遂毅然而行果罹  
寇害民咸哀之副使古其然輓詩云讀書固不  
爲身計報國那知是禍媒祀鄉賢蕭志

韓俊字克彰文昌人性寬厚有裁制成化丙午鄉

瓊州府志

卷三十三

人物 名賢

三十六

薦宏治丙辰進士爲刑部主事陞員外郎以忤  
劉瑾罷歸瑾誅起祠祭員外轉刑部郎中陞河  
南副使以廉能爲天下第一卒於官囊無餘積

祀鄉賢

郭志通

廖紀字廷陳陵水人

明志州人作

祖有能徙直隸河間

東光縣宏治己酉紀舉於順天登庚戌進士正  
德中累遷吏部侍郎敷歷中外所至有聲嘉靖  
改元晉南京兵部尚書尋致仕越二年徵拜吏  
部尚書會署丞何淵請立世室於太廟崇祀獻  
帝尚書席書張璉等深言其非不聽紀率九卿  
臺諫爭之書璉等復抗疏力諫其議始寢尋陳

三事曰正士風曰重守令曰惜人才上嘉其深切治體悉見採用加太子太保在事三年以疾乞休晉少保令馳驛歸有司歲致廩役爲人端亮古樸一切世味不入於心里居惟典籍自娛孳孳著述老而不倦壬辰冬卒贈少傅謚僖靖

阮通志

所著有四書管窺四卷童訓一卷滄洲志

四卷

明史藝文志

胡濂字宗周定安人祖欽官交阯福安州判有政譽父瑛醫學訓科資性仁愛以利濟爲心濂少穎拔十歲能文成化丙午舉於鄉宏治癸丑成進士授戶部主事遷郎中正德辛未流賊劉六

瓊州府志

卷三十三

人物名賢

三十七

搆亂濂督餉有功加四品秩擢貴州參政值苗夷叛謀諸撫按討平之晉江西右布政使

定安縣志

正德十四年御史疏言宸濠諸罪帝命收其護衛宸濠乃稱奉皇太后密旨令起兵入朝巡撫孫燧及副使許逵不從縛出斬之執御史王金布政使胡濂等十一人下獄左布政使梁宸等七人從逆七月汀贛巡撫王守仁聞變檄諸道兵先後至

明史寧王欽定傳

事平守仁奏濂無罪部

議以失備律放還濂曰時事難測惟此心可對君父耳歸家杜門屏跡建家祠置祭田治家有法內外肅然年八十卒

縣志

子楷拔貢河南鄭州

通判清白自矢解組日州人立去思碑縣志

吳天挺號竹庵定安人少負奇氣倜儻不羈宏治乙卯舉於鄉授荊州府推官節浮費禁科擾流民復業盜賊消弭活死罪數十人剖決精敏吏不敢欺創崇正書院樂育人才隨都憲吳廷舉賑饑存活者數萬薦擢南京太僕丞復出爲廣西僉事備兵左江從征田州桂平平南諸獠賊總督王守仁多用其策嘉靖戊子致仕生平疾惡如仇嘗面斥人過剛介寡合故少鄉曲之譽然其隨機應務英敏果敢世皆推爲能吏云孫壽齡己酉亞魁與海忠介同榜以名節相許任

瓊州府志

卷三十三

人物 名賢

三十八

左州牧嚴馭胥役釐革夙弊州人頌之定安志

楊理定安人博古通今才瞻識卓以舉人材膺徐聞學貢授縣丞冠帶兵憲王倬平黎理詣軍前獻策倬倚任之命督官兵親冒矢石直抵崖州千家村大破黎巢未訖事以丁艱歸倬亦遷去宏治末以平符南蛇功加七品秩其上盧僉憲書陳平黎十策又上歐陽太守平黎四事皆以建州縣開十字路爲要論者韙之定安志

馮禹字有孚瓊山人宏治己酉鄉薦九年進士初爲戶部主事官軍討叛黎符南蛇久不克禹歷陳致變之由請購已革土官子孫俾招集舊卒

以夷攻夷有功則復舊職尚書劉大夏亟稱之  
奏行其策阮志通 歷官本部郎中巡歷古北口九  
江抽分以能謹著改湖廣監察御史牛志 正德初  
偕中官高金勘涇王所乞莊地清還二千七百  
餘頃明史錫劉傳 嘗以事忤劉瑾爲所誣陷憤激卒  
于官賈志 人皆惜之瑾誅復官賜祭明史 祀鄉賢  
黃瀚字德新澄邁人宏治乙卯舉人嘉靖二年任  
北流知縣剛介不避權要邑爲虐政所苦民多  
流徙瀚招來安集復業者數百人卒於官筐笥

蕭然阮志通